

que inscriptione *Quatuor Evangelia τῶν Ἀποστόλων* marginibus praeferebat, et *Matthaeus* quidem absque Prooemio, et hac clausula: *Explicit euangelium secundum mattheum habet uersus VII. dcc.* *Marcus* vero praemisso noto illo argumento: *Marcus euangelista dei electus et petri in baptisate filius &c.* et ad calcem: *Explicit euangelium secundum Marcum. ha-*

*bet uersus. I. dcc.* Tum *Lucas* pariter praemunitus argumento illo: *Lucas syrus antiochensis. arte medicus &c.* et ad calcem: *Explicit euangelium secundum lucam habet uersus. III. dccc.* Demum *Johannes*, cujus argumentum: *Hic est iohannes euangelista unus ex discipulis &c.* Hic vero nulla ad calcem subputatio, sed ejus loco:

*Explicit iste liber sit scriptor uerbere liber.*

Quod quidem metuere non debebat; ita non adcurate minus, quam eleganter pensum persolvit.

XLIV. VIII. E. g.

Theol. 358

Codex membraneus lat. theotifc. Sec. XI. Folior. 42. f. et quidem, ut Cl. *Lambecio* L. II. p. 771. edit. *Kollar. col. 569.* visum, propria Autoris manu perquam nitide scriptus, rubricisque decoratus continet labores *Willeramii*, s. *Willirami*, s. *Wirami* Abbatis in *Cantica Canticorum*, ita, ut Textus ipse vulgatus columnam mediam caractere grandi obtineat, ad dextram Paraphrasis latina versu hexametro leonino, ad finistram vero Expositio profaica theotifca, immixtis tamen passim latinis vocabulis, adsistat. Fuit *Willeramus* Abbas Coenobii S. *Sebastiani Eberspergae* in *Bajouaria*, *Fulda* illuc evocatus, obiitque diem an. MLXXXV. Ita et *Codices Mss.* testantur, et *Anonymus Mellic.* et *Menrad. Moltberus* in *Praef.* ad editionem prin-

cipem Paraphraseos nostrae latinae, Expositionisque profaicae theotifcae sed miro consilio latine a se versae *Haganoae* 1528. 8. quam editionem non *Lambecius* modo, sed et *Schilterus Scherzsiusque*, ut T. I. *Thef. Antiquit. Teutonic.* adparet, ignoravere, rati *Willeramum* primum editum fuisse a *Paulo Merula Lugd. Bat.* 1598. 8. Erravit itaque *Tritheimius* cum in *Scriptt. Eccl.* tum in *Viris illustr. Germ.* et alii post eum, *Willeramum* Abb. *Mersburgensem* faciendo, qui error nec in *Fabricii Bibl. Eccl.* correctus est. Multa porro de praesenti ejus Opere in *Lambecio L. suprac.* multa in praeclara ejus Editione *Ulmensi T. I. Thesauri* mox memorati 1726. f. quae mihi otium faciunt. Cum vero in hujus Editionis *Praef.* dicat *Schilterus*, spem obtinendi *Codici* nostri eum fefelisse, siquidem *Codici* usus ab ejus temporis Praefectis simpliciter illi negatus fuerit, ut in officiosum, ita et a mente *Augusti Possessoris* alienum dicam. Quod si vero postularit

larit Vir ille eruditus *Codicem* integrum sibi a quodam e Bibliothecae Administris describi, nae ille quotidianas horum hominum occupationes ignorarit. Exponit et offert Bibliotheca *Augusta* opes suas literatis Viris, ad recursum invitat, eumque commodum et expeditum reddit; si quid ultra est, aut per se ipsos, aut per Vicarios peritos, qui *Viennae* nunquam defunt, curent, oportet. Ceterum *Codice* nostro frustratus *Schilterus* non adeo gravem jacturam fecit; e collatione enim a me instituta, si in Theotisco variantes literas *e* et *o*, *k* et *ch*, *d* et *t* &c. excipias, liquet, parum illum ab aequae praestanti *Vratislaviensi*, quo usus est, differre. Atque ut istud aliquo specimine comprobem, in *Paraphrasi* metrica *p. Schilt. 3. dum largo pectore pro largo neclare* legitur, *gratia nam stillat pro non stillat*. Pag. 4. *amore pio recolentes pro amore tuo*. P. 5. *Caedibus atque minis pepulit pro populet*. P. 7. *Quare non vereor pro non reveror*. P. 8. *idem Versus*, qui in *Cod. Vratisl.* adsunt et absunt. P. 10. *fraudem pectore versas pro celas*. &c. In Expositione vero theotisca *Schilt. p. 3. geiunget sint in demo toufe* pro *geuuiget sint in dero toife*. P. 5. *die christanen ecclesiam pro die ereften ecclesiam*. P. 6. *unde weidene dine chizzin* (Haedi) pro *dine Zikkin*. P. 9. *wrmes wis* (vermiculatae) pro *in uwrme wis*. P. 10. *Wanda du ungetrues pro feichenes* &c. quae certe leviora sunt. Demum, quod singulare est, *Co-*

*dex* absque omni inscriptione incipit: *Vox Synagoge*, Praefatio vero *Willeramii* ad calcem dilata est. Carmen ad *Henricum IV.* quod in *Moltheri*, non vero in *Merulae* editione legitur, *Schilterus* vero e *Marq. Frebero* praesentavit, abest. Adi, si lubet, etiam *Cod. seq.* Praecipue vero nota, *Paraphrasin* nostram latinam in edit. *Opp. Hildeberti Cenoman.* et *Marbodi Redon. Paris. 1708.* f. huic posteriori adtributam tanquam *avendorov* comparere, consilio, quod mirere, *Job. Harduini*, ut in *Monito* praevio adseritur.

XLV. VIII. B. A.

Codex chartaceus lat. theotiscus Sec. XVII. f. descriptus ex vetusto membraneo, quem *Otto Henricus* Palat. Elector a *Georgio Cassandro* habuerat, Folior. 37. hunc praefert titulum: *Cantica Canticorum glossata ex parte Domini Wilhelmi*, cujus loco rescribendum: *Willeramii* ex Monacho Fuldeni O. S. B. Abbatis non *Merspurgensis* in *Suevia* aut *Saxonia*, sed *Eberspergensis* S. *Sebastiani* in *Bavaria* ✠ MLXXXV. Reliquit vir hic, ut notum est, non tantum *Paraphrasin latinam* versu heroico leonino *Canticorum*, quae *Menr. Moltheri* opera jam a. 1528. lucem vidit *Haganae* 8. sed et *Interpretationem* et *explicationem* illorum fermone gentis suae theotisco, quam solam sine Praefat. et aliis *παράσηγυις* Codex hic noster exhibet. Cum vero, quae